

MAHATHIR-HARTAWAN

1980

ALOR STAR, 8 BERNAMA) — DATUK SERI DR. MAHATHIR MOHAMED MALAM INI MENYERU PARA HARTAWAN MELAYU DAN GOLONGAN MEMPEROLEHI KEKAYAAN HASIL DARI PERLAKSANAAN DASAR EKONOMI BARU SUPAYA MEMBALAS BUDI KERAJAAN DENGAN BERBAKTI KEPADA MASYARAKAT, PARTI DAN NEGARA.

TIMBALAN PERDANA MENTERI BERKATA, KERAJAAN TELAH MENYEDIAKAN BERBAGAI KEMUDAHAN UNTUK MENOLONG MEREKA MENCAPAI KEJAYAAN, DAN SUDAH TIBALAH MASANYA UNTUK MEREKA YANG TELAH MENIKMATI KEUNTONGAN MEMBANTU GOLONGAN YANG MEMERLUKAN.

BELIAU BERKATA DEMIKIAN DI MAJLIS JAMUAN MALAM DAN UPACARA MENERIMA CEK-CEK BERJUMLAH \$100,000 DARI LEBIH 20 ORANG AHLI DEWAN PERNIAGAAN DAN PERUSAHAAN MELAYU NEGERI KEDAH UNTUK TABUNG PEMBINAAN BANGUNAN UMNO BAHAGIAN KUBANG PASU DI WISMA NEGERI DISINI.

BANGUNAN EMPAT TINGKAT BERTHARGA \$780,000 ITU AKAN DIBINA TAHUN C INI DAN DIJANGKA SIAP DALAM MASA TIGA TAHUN. SETAKAT INI WANG YANG TELAH DIKUMPULKAN BERJUMLAH \$150,000.

MENURUT DATUK SERI DR. MAHATHIR, BELIAU YAKIN TIDAK ADA SEORANGPUN ORANG MELAYU DI NEGARA INI YANG TIDAK MERASA NIKMAT PERJUANGAN UMNO. -- BERSAMBUNG 2335/1B

F629

MAHATHIR-HARTAWAN 2 ALOR STAR

OLEH YANG DIMEKIAN, KATANYA, ADALAH WAJAR BAGI SETIAP AHLI UMNO MENGHULURKAN DERMA KEPADA TABUNG BANGUNAN KOMPLEK IBUPEJABAT MALAYSIA YANG AKAN DIDIRIKAN DI KUALA LUMPUR.

BELIAU BERKATA, SEKIRANYA TIAP AHLI UMNO YANG BERJUMLAH 600,000 ORANG MENDERMAKAN \$1 SEORANG SEBULAN, UMNO AKAN DAPAT MENGUMPULKAN KIRA-KIRA \$7.2 JUTA SETAHUN.

DATUK SERI DR. MAHATHIR JUGA MEMBIDAS ORANG-ORANG MELAYU YANG MEMPUNYAI TABIAT SUKA MEMINTA BANTUAN DARI HARTAWAN-HARTAWAN BANGSA ASING BILA SAJA MEREKA BERCADANG MENDIRIKAN SESUATU BAGUNAN.

KATANYA, SIKAP DEMIKIAN PATUTLAH DIKIKISKAN KERANA PADA LAZIMNYA SESEORANG YANG MEMBERI BANTUAN ITU MENGHARAPKAN SESUATU BALASAN.

MENTRI BESAR, DATUK SERI SYED NAHAR SHAHABUDDIN, MENYERU INSTITUSI-INSTITUSI KEWANGAN MELUASKAN KEMUDAHAN PINJAMAN KEPADA USAHAWAN-USAHAWAN MELAYU YANG KURANG MODAL BAGI MEMBOLEHKAN MEREKA MENJALANKAN PERNIAGAAN.

BELIAU JUGA MENGGESA BANK-BANK PERDAGANGAN SUPAYA MERINGANKAN KRITERIA SEMASA MENGELUARKAN PINJAMAN KEPADA ORANG MELAYU DARI MEMENTINGKAN CAGARAN, KEPADA MENGUTAMAKAN LIABILITY SESUATU PROJEK. -- BERNAMA 2340/1B